

呂祖全書

乙巳仲冬  
萬德至善社重刊

呂祖全書涵三雜詠小序

涵三雜詠者。涵三宮。在鄂城東隅。呂祖飛鸞開演處也。  
。自康熙壬午。演三品經。乾隆己未。演叅同經。前後  
四十餘年。凡臨壇覺世。托諸吟咏。亦繁繁矣。或論道  
。或誨人。或賦物題景。皆率興隨筆。而不爲聲律之所  
縛。有流水行雲。初無定質之妙。昔人謂邵康節。學通  
理數。故擊壤一編。能窮神而知化。張紫陽。識貫天人  
。故悟真三卷。能盡性而至命。以涵三雜詠方之。有其  
過之無不及也。蓋吾讀雜詠。而歎仙才之不可及者有三  
。速成一也。自然二也。深入淺出。言近指遠三也。其  
與清新俊逸。飄然不羣。所推詩中之仙者。有以異乎。  
讀者知涵三雜詠之輯。雖別於前集。而不復存異同之見

焉可也。

呂祖全書卷二十七

涵三雜詠

今集體偶有出韻者倣前  
詩集例註出續輯同

春日  
五言律

二月春光早。羣英盡吐華。丹崖生貝草。  
赤地產靈葩。雙鳳騰紅霧。六鰲放紫霞。  
廣陵推盛景。遍處是虛花。

偶題  
以下七言律

一聲長嘯白雲開。明月清風手自裁。  
映島朱霞環野鶴。排空濁浪走奔雷。  
黃梁未熟消塵夢。鐵笛無音冷落梅。  
最是浮生難了局。空將妙諦屬金壘。

夜吟

萬籟無聲夜正賒。  
。乘風兩度過人家。  
。天光黯淡當清夜。  
。燭影焜煌映碧紗。  
。鼓轉譙樓三下急。  
。鶴橫漢表一聲譁。  
。從來只厭紅塵事。  
。誰向燈前問法華。  
。

勉學

淨几明窗不可虛。  
。莫貪幃薄失居諸。  
。但將經史三冬足。  
。定教鬚眉一旦舒。  
。筆彩豈緣枯坐授。  
。硯田當用苦工鋤。  
。老人於子無他贈。  
。五夜藜光數卷書。  
。

閒詠二首

時在喬氏樓頭題

振衣長嘯出金門。  
。鸞衛何須用虎賁。  
。孤鶴帶雛橫漢表。  
。雙鳧繫足踏天根。  
。

雲中龍象疑無跡。空際嬋娟若有痕。  
俯視下方塵漠漠。不堪回首對崑崙。

又

萬籟聲消月正斜。御風直到主人家。  
老翁得酒情偏曠。稚子供花意可嘉。  
棐几無塵聊試筆。棗脩不火只宜茶。  
樓頭誰是知音者。一曲清商付水涯。

夜咏

朦朧月色映清虛。鸞馭翩翩落御除。  
道法得時惟罔象。玄機露處有鳶魚。  
誰能靜夜同參究。我獨浮雲與卷舒。  
若大乾坤人懵懵。如何一箇未情祛。

聽琴時喬以  
怒撫琴

樓頭雅奏指生波。  
鼓盪春風上玉珂。  
逸韻冷然追太古。  
元音淡泊得中和。  
高山流水誰相賞。  
操縵安絃自放歌。  
但使人心都似此。  
那能平地起干戈。

月夜繡毬二首

團圓玉蘂月中開。  
月下相看粉作堆。  
蝶戀香魂春夢穩。  
鶴貪素影夜飛來。  
一枝搖曳三郎妙。  
八面玲瓏二氣才。  
檢點本來真面目。  
莫教無事惹塵埃。

又

生香活色貯瓶中。  
默坐相叅妙解通。

一箇音團音。未粉碎。幾人徹底悟虛空。

因牽枝葉成頑象。盡洗鉛華尚素風。

萬彙靜中觀自得。莫於皓首歎時窮。

### 秋夜

冰鑑懸空萬壑涼。浮雲散盡見清光。

雙鳧掠月千峰靜。孤雁嘹天一字長。

江上濤聲雷夜吼。雲中桂影兔含香。

生憎老懶多塵思。看菊今宵有幾黃。

### 月夜

新開寶鏡素光涵。濯影流精勝十三。

天際遙臨因有約。樓頭雅集不爲耽。

盡捐色相成佞悟。獨會盈虛是老憨。



怪底諸生都夢夢。良宵徒自付空談。

紅梅

半著胭脂半粉勻。蕭疎幾點破寒津。  
詩成驢背吟魂瘦。春到隴頭驛使頻。  
洛浦神人霞佩冷。瑤池仙子絳衣新。  
可憐只爲貪香色。難向孤山伴逸民。

瓶梅

膽瓶注水浸梅花。花影參差瓶影斜。  
不似衆香籠霧縠。空留幻質照牕紗。  
冰肌玉骨全欺雪。冷艷寒姿却有瑕。  
只爲色空空不得。至今餘韻在詩牙。

臘梅

臘梅一似蠟般黃。耀眼精神琥珀光。  
庭桂較來宜減色。海棠開處惜無香。  
口含雞舌微微笑。衣染鶯黃淡淡妝。  
此際問誰同臭味。相逢解語只花王。

夏日

陰洞清虛暑不侵。招來老伴著楸枰。  
風敲竹玉聲聲碎。露滴荷珠顆顆瑩。  
薜荔牆頭凝紫照。水晶簾外罨音青莖。  
紅塵難到三山界。白晝閒消萬類情。

靜夜

燭影紅斜照碧宮。寒霄誰許發詩筒。  
犬鳴深巷岑岑夜。雁度遼天字字鴻。

萬籟聲消人靜悄。一庭燈火物寥空。  
我將祕密偕君說。清漢光生遠曜風。

元霄

吟風弄月到人間。風正無聲月正圓。  
燈市霄中光盡散。星河夜午影常懸。  
不從太乙分藜照。姑向涵三展法筵。  
可惜愚生多昧昧。暗中指點亦徒然。

寓意

荏苒光陰瞬息過。何名何利尚婆娑。  
青山不用金錢買。白眼憑他紫綬多。  
野服芒鞋行處好。粗茶淡飯與身和。  
不然尋箇幽閒地。構一茅庵是樂窩。

訓人

何事勞勞死不休。爲名爲利在心頭。  
要知造化皆前定。莫逞機心啓後憂。  
大地有緣能自遇。憑天付與莫他求。  
廣行方便存陰德。無事區區作馬牛。

嘯吟

八九佺功此際全。大丹結就便成仙。  
五花聚頂通靈印。一炁朝元會帝天。  
獨闢乾坤持造化。斬新日月衍真玄。  
山中甲子原無盡。一嘯蓬壺度八千。

秋興六首

以下五  
言絕句

秋風動江村。夜靜月黃昏。

我將攜島嶼。欲移向崑崙。

又

虛空杳無際。穆穆靜何言。

舉首望冥漠。誰人問帝門。

又

啾啾寒夜蟲。獨自鳴芳砌。

寄語懷幽人。含情杳無際。

又

萬籟寂無聲。獨自展幽抱。

島上有白雲。聊以適吾好。

又

閱經到夜半。素心聊舒然。

歸哉樂我趣。無以羈予天。

又

夜色含青嶂。江聲送碧濤。  
可憐名利者。夢裏正醪醕。

上元卽事

紫氣浮霄漢。紅光射斗牛。  
金花飛燦爛。玉蝶滿枝頭。

行吟

雲繞鰲峰頂。烟橫鷺嶺頭。  
一聲野鶴唳。撒手笑蓬邱。

漫興  
以下七句絕

神仙最愛是樓居。閨裏尋閒總不如。

三五良霄應有待。同心自可細爲書。

夜歸

滿天星斗燦珠璣。正好回輿坐翠微。  
鶴馭長空聲唳唳。野樵何事不知歸。

觀燈三首

火樹銀花頃刻鮮。羨他巧妙賽飛鳶。  
只疑錯認浮華境。徒惹山人笑向天。

又

一樹銀花雪幾團。青燈燦處夜深看。  
玲瓏巧琢天工影。漫點飛華落曲闌。

又

幻中作幻幻無窮。壑裏藏舟即箇中。

試看艷葩隨手盡。人生何事不相同。

醒世二首

名利驅人似火牛。幾人平地把韉收。  
但思古昔英雄輩。那箇功名直到頭。

又

一日清閒一日仙。何須世故太懸懸。  
黃庭熟讀勸參悟。白晝飛騰上九天。

偶詠二首

混跡江樓閱四句。曾無佳偶締良因。  
狂瀾日見滔滔下。一柱中流枉費神。

又

遨遊六合閱人多。都被區區兩字魔。



不惜見身爲說法。醉中夢裏奈他何。

契道

蕭疎竹影拂蒼苔。枝幹天然雲外栽。  
大道渾如形色類。靜中自得慧心開。

覺夢

天風吹我到江城。萬戶無聲犬不驚。  
可惜許多平坦氣。都從夢裏誤平生。

泛槎

正陽偶約到長沙。一碧瀟湘好泛槎。  
只爲談玄來甚晚。江濤夜靜不聲譁。

覈玄

大道當前無所名。玄闕一點會真精。

谷神只要常虛在。何慮佺佺不得成。

卽事

燭燼香寒夜半時。譙樓更鼓故遲遲。  
天風送得鸞輿至。一笑凌雲任所之。

詵梅二首

寶鼎香生帶紫霞。青烟一抹拂梅花。  
賞心不待春三月。雪裏含胎異衆葩。

又

梅花一度一回開。活色生香自昔來。  
總是本來真面目。年年不改舊根荄。

卽事

三天燈火五更香。相伴幽人禮玉皇。

靜裏尋真真要靜。心從忘處至忘忘。

### 金丹

金丹灼灼彩光浮。直要工夫去取求。  
萬壑千峰只一嘯。這回便是白雲樓。

示野航道人飛劍遺亭  
前賣藥僧

名字緣何號野航。漂漂無定水雲鄉。  
主人牢把江心舵。耐等仙家滋味長。

道人又如何道三韻  
并用

道人無古亦無今。一片正氣塞乾坤。  
般若臺邊無阻滯。空空色相本來因。

### 論道

不織道。何爲道。道無常。反爲要。道可道。非爲道。

認賊子。走外道。道人不得真常道。空戴黃冠住名教。

### 示野航

野航子。又被甚風兒打到俺崖前。鐵繩子緊緊繫你心田。  
看你這舢斗從何處翻。禪中學道。道又參禪。那裏是著  
脚機關。喜汝回頭上我船。

### 又示野航

從前題。料汝不曾參到。方外人。先要去煩惱。無明  
火能將大地燒。須忍辱百分。方學得真禪真道。試看釋  
迦佛。那有一絲兒罣著。萬古齊依靠。聽我諄諄。自得  
逍遙。將心香一炷時插爐中竅。俺仙翁自然知道。有一  
日鏡智圓明。性天朗現。識破其中妙。那時節。功夫到  
。西天諸佛同來召。

大覺

鼾鼾睡。鼾鼾睡。塵世之中人人醉。醉裏不知天地寬。  
昏昏醒醒只不遂。黃金纍纍腰下擊。猶說當前不如意。  
戰名爭利何日既。勞擾終身難自計。我在深山整日寐。  
那管人間爭戰會。不強求。不越位。天翻地覆由他際。  
閭門內外有消息。天南地北無窮戲。只要識得出處義。  
東山高卧無他慮。且去且去。歸到終南還自睡。

放歌

踏月去。帶雲來。行矣且徘徊。短調長歌休著意。信手裁。  
。夜静少塵埃。氤氳佳氣疎櫺外。喜沙淨無苔。縱橫彩  
筆全無礙。螺髻金釵。字字鍾王派。萬言倚馬何須待。  
率天真。一下十行快。敢云八斗是仙才。借清謳聊暢予

懷。兒曹莫浪猜。說甚麼八座三台。富貴功名都幻態。  
衣金腰紫冤孽債。榮華到底有成敗。脫離濁界。怎似我  
海上蓬萊。黃金爲閣玉爲階。貝闕瑤臺。琪花珠樹都堪  
愛。此事亦難哉。忘情割愛。跳出迷魂袋。真清閒自在  
。無害無災。爾曹夢裏尋夢解。那曉得羈網難開。休慷  
慨。莫弄乖。我行我是我心泰。我歌我和我和諧。行矣  
莫徘徊。

題像

這箇道人。不言不語。清淨無爲。守雌獨處。不去那海  
上三山。逍遙自在。却到此濁世塵寰。涼涼踽踽。嘆。  
想是老婆心切。因此逢人便與。

讚道

以下五  
言律

大哉無上道。普度衆迷人。形聲俱入妙。  
色相兩相泯。斷障除情愛。超凡證聖真。  
一誠勤頂禮。舊染自然新。

讚經

妙哉高上經。說法濟沉淪。慈幢開地獄。  
寶筏渡迷津。光明常具足。體要自精神。  
萬言須解悟。彼岸誕登身。

讚師

至哉太上師。法乳可充饑。道德叅天地。  
陰陽運化機。濟生宏己願。拔死警人非。  
千生諸罪障。懺謝得皈依。

閒吟三首以下七言律此首第二句借韻

一曲當年弄水濱。  
至今難覓是知音。  
清風常袖衣無縫。  
明月時吞物外身。  
不向濁塵分皂白。  
只於玄竅認根因。  
古今多少稱名客。  
誰是東風舊主人。

又三韻並用

樓高最好接仙雲。  
清影常隨鶴翹分。  
夜靜天階聲寂寂。  
春閒永夕意勤勤。  
覓玄只向玄中覓。  
求法須從法裏尋。  
叅透其間真造化。  
須彌黍米藥壺盛。

示黔楚合會

飄飄鶴馭下天階。  
仙仗千官不用排。



星斗稀疎橫漢表。香雲繚繞散瓊齋。  
靜中自得真玄訣。夢裏誰知妄念乖。  
度世婆心惟一片。清風應解老人懷。

示衆修斗儀

靈文梵咒不輕宣。雲錦囊中祕太玄。  
金光隱現含真炁。玉格精深定密詮。  
北極靜從心上出。南辰隨向指中懸。  
叅來奧妙無多訣。自格支天寶座邊。

示劉允誠鄧信誠

不厭奔波出自然。幾回來往駕雲駢。  
化人願力空奢大。度世心腸難棄捐。  
一岫楚雲飛甸國。數聲黃鶴唳南天。

從今又惹塵囂事。幾許情緣擔在肩。

喜黔楚合會

迷濛法雨灑瑤階。結篆浮空照九陔。  
瑞靄江城清漢水。福施黔域潤山苔。  
仁風應逐和風遠。紫氣還同道氣開。  
笑指蓬壺跨鶴背。已知良會合三才。

寄示

鸞書兩紙寄天南。爲囑吾徒屬意看。  
玉勅豈堪沉畫閣。慈航終擬渡江千。  
常思請制情何切。莫謂捐金劫解難。  
幾度乘雲臨楚會。數聲鶴唳碧天寒。

示誠恕

世事渾如東水流。窮源須識有根由。  
但叅性命安天數。不染塵囂向上頭。  
坐破藤牀忘膝漏。磨穿鵲頂務心修。  
此般方見菩提種。流水高山靜裏求。

送允誠元誠回黔四首

盤桓高閣戀塵囂。度世婆心自覺饒。  
踏遍江城風未靜。聽殘玉漏夜還迢。  
燭紅摇曳成仙篆。香焰氤氳透紫霄。  
不是老翁貪浪跡。多緣宏願未能消。

又

徘徊幾度去還留。信道仙翁貪浪遊。  
黃鶴吹殘江上笛。白雲仍照舊時樓。

爲叅佺奧驚人夢。欲醒癡迷喝棒頭。  
此種機闕誰解脫。相攜共入大丹邱。

又

一喚癡頑一度難。幾人釣罷舍魚竿。  
青山嫵媚長相對。白眼迷離早倦看。  
不識修持忘種子。多因貪著屬儒冠。  
堪嗟碌碌塵中者。終日浮誇祇自謾。

又

爲度羣迷不忍歸。慈航願共白雲飛。  
心憐愚子情何妄。舌吐蓮華意豈違。  
靜聽朔風如振鐸。要叅佺理速窮微。  
只因未悟原來性。致使仙踪不可希。

指示佺功二首

凝神默契靜中佺。靜裏佺微一著先。  
劈破青龍頭內髓。吸乾白虎口中涎。  
功勤子午分南北。氣應盈虛定朔弦。  
無極本來無一極。參明始識兩儀全。

又第二句  
借韻

九九佺功煉至珍。至珍豈用別搜尋。  
爲貪迹象成虛幻。若覓全真識渾淪。  
一炁本通三昧窟。兩輪並運四時巡。  
須知此物原無價。養得靈明號至人。  
示體恕二首

儒道雖云各一宗。究明心性本源同。

桂林發跡先純孝。紫府登名首大忠。  
報國何分祿厚薄。愛民務要恤愚蒙。  
苗疆尺地皆王土。莫負賢良薦舉公。

又

一篇俗語要深思。入聖超凡總在茲。  
前業已經推淨白。今功又復註彤墀。  
善以無私歸至極。道惟成物措時宜。  
黔南半刺能威遠。駐聽中原五馬馳。  
示誠恕遊黔  
大道無言在本真。心篇娓娓叙根因。  
今時鄂渚規模舊。他日黔山氣象新。  
有興趣時添興趣。不精神處也精神。

須知三教原非二。莫負佗元一派親。

示誠恕還楚

雪厓靈洞屢遨遊。又駕翔鸞清水頭。  
幾片蠻雲飛凍雨。一條碧練泛輕鷗。  
全書粗就還須待。楚客言歸信有由。  
堪笑貴陽始事者。征車不發任淹留。

七言律三首

借第六句韻

白雲飛渡楚江春。晴日鶴鈴出紫宸。  
幾處紅霞鋪瑞錦。繞堤翠柳欲生新。  
鍾聲敲破迷人夢。梵唄驚開客子魂。  
舊日心情今日慰。孰云仙侶棄凡塵。

又

鶴唳一聲下鄂城。西風吹送四天清。  
碧雲淨碾無纖障。墜葉飄紅映晚晴。  
宮廟肅雍人士靜。鼓鍾震響鬼神驚。  
中情欲話書難罄。爲答黔南無限情。

又

凜凜朔風別鄂城。今宵又到武陵春。  
滿村細灑濛濛雨。夾道平濡陌陌塵。  
人事爭談新律呂。天時忽變舊嶙峋。  
一聲鶴唳通雲漢。剪燭焚白迓至真。

示人五絕句

以下七言以絕句

雲車闡法廣無邊。難遇凡黎秉志堅。  
今日仙樂特授汝。從茲演法度人天。



又

勤勤奉道莫遲違。  
仙道精微達者稀。  
總在一心清淨妙。  
佛仙儒也此同歸。

又

明明指點透玄關。  
要識玄關可煉丹。  
休謂乚沙容易得。  
大千世界此中看。

又

煉藥先要煉元神。  
不煉元神仙不真。  
煉到仙凡合一處。  
悟來身外別生身。

又

茫茫海宇煉乚沙。  
誰信飛鸞與鳳車。  
我欲通誠無識者。  
反瞋仙客有浮誇。

示吳一恕

滿目雲山何處好。此回須度白羊關。  
但尋花木幽深地。便是棲霞結大還。  
棲霞道係。

臨李務恕樓頭

飄飄雲路幾盤桓。濁界昏昏不忍看。  
爲憶當年攀鳳地。老翁偷暇一棲鸞。

題宋真恕影

偶來樓上覩遺容。可是當年舊道宗。  
母我原母世上我。於今仙府看芙蓉。  
母我道真。

元夕前二日二絕句

廠閣風清夜氣涼。欄杆明月散雲光。  
春宵何事千金價。贏得仙人鶴影長。

又

坐月三更譙鼓忙。幽清只愛一爐香。  
問予何事棲塵界。爲度羣迷費主張。

示殷秉誠

金爐香焰有時燼。慾火奔騰無熄時。  
安得塵心清淨也。漫將甘露染楊枝。

七言絕句三首

堪嗟懵懵世間人。振破琳琅苦不驚。  
試問幾時歸大夢。一張拘票便奔程。

又  
並三韻

星在天兮心在人。靈臺列著衆天星。  
若知星是何般物。皎皎稀疎天上明。

又

箇中難覓一知音。夜靜空教四壁清。  
鶴步有聲誰聽得。徒生兩耳久聰明。

予有耽堅難三韻有立賦者和之三首  
並三用韻

欲招舟子意耽耽。穩把魚竿放餌堅。  
得意釣來江上鯉。歸家幾道遠途難。

又

片帆此去興猶耽。滿目風光好記堅。  
若道洞庭波穩否。北風吹送不知難。

又

夜駐彤雲何所耽。漫言遊子早心堅。  
此行且賦歸來曲。一唱能忘道路難。

示徐峻誠三絕

龍戲雲端飛瑞霞。  
花宮姓字燦金華。  
崢嶸頭角須豐羽。  
莫道長安路儘賒。

又  
借末句韻

看柳官堤日色溫。  
馬蹄芳草細留痕。  
風光最是金陵美。  
一飲瓊漿步小瀛。

又

奮志圖南翼早垂。  
莫教我馬嘆行疲。  
前途有景須尋去。  
此際韶光著意追。

示體恕二絕句

修真豈必在年多。  
正訣一聞出愛河。  
捉住無毛獰猛虎。  
管教玉液若清波。

又

雖然吐納非真要。却使一身六脈和。  
自古大丹心性是。先天不識更何如。

示蔭誠六絕句

微雨輕塵潤九垓。白雲漠漠障天階。  
一聲長嘯開浮翳。穩駕鸞車到此來。

又第二句借韻

翠華兩度武陵源。不識奇因在眼前。  
試把迷津頻指點。休將好景浪傳言。

又

上元燈火屬何年。處處繁華亦可憐。  
珍重德馨綿世澤。藜光午夜正高懸。

又

漫道神仙愛浪遊。  
幾將塵世等丹丘。  
清宵指引靡他願。  
願在慈航渡濁流。

又

隱隱佞機洩妙言。  
已將真種露人前。  
寬心待取時光到。  
坐對金霞笑看天。

又

福地須憑心地修。  
栽培莫負好貽謀。  
鎡基正是當前物。  
努力芸鋤得大收。

示允誠六絕句

歷盡河沙界八千。  
因緣之內覓因緣。  
慈腸度世原無了。  
寶筏頻施幾百年。

又  
借末句韻

清塵風雨灑蠻山。  
駕得青鸞出道關。  
不爲松花來赴會。  
多因指點破疑難。

又

客歸楚鄂已多時。  
何事征車稅駕遲。  
纂輯全書非易易。  
經年方許告成期。

又

莫道前言屬渺茫。  
此中因果豈尋常。  
但教心志無生悔。  
自得通靈飲玉漿。

又

學道先須積善功。  
善功多積道緣通。  
知君夙有佺家種。  
今日提攜豈浪逢。



又  
借末句韻

且將彙集細讐看。  
好待緣成再付刊。  
鶴馭約於元夕會。  
謾將行止聽安排。

七言絕句十四首

半天風吼勢如雷。  
夜氣橫空濁浪催。  
江上濤聲驚急渡。  
戲吹鐵笛跨鸞來。

又  
借末句韻

何事馳驅塵界間。  
豈貪浪跡學偷閒。  
只因未了衆生願。  
日日仙關閉不堅。

又

清鍾聲遠漏聲長。  
春靄行雲濕楚鄉。  
法雨故教新潤澤。  
婆心終是爲人忙。

又

一氣分形本自然。圓明覺性合先天。  
誰知一落風塵後。萬劫千生墮業淵。

又  
借首韻句

嗟爾羣靈夙障深。頻將法雨濟沉淪。  
從今悟徹原來性。業鏡無形地界春。

又

道法經功師寶傳。皈依信受頓超玄。  
自然釋罪登仙籙。九九功成行滿圓。

又  
借末韻句

春宵漏永月華明。露浸琉璃萬籟清。  
夜坐敲詩隨興起。高山流水是知心。

又

探佷誰識這佷關。一點陽精此內安。  
日月任他旋轉去。古今不破渾淪難。

又

參透黃庭無點奇。此心默默有誰知。  
天根月窟無人問。滿地春光月影遲。

又  
末句  
借韻

雲連此際到黔山。只爲全書動我顏。  
鶴駕不辭天路遠。聊揮仙篆滿沙盤。

又

去年鄂渚一遨遊。曾許門墻此地留。  
襄贊近來成勝事。佷風自爾耀千秋。

又

從來鶴馭不輕臨。今日臨場爲閱經。  
閱畢乘雲歸去也。青山綠水任流停。

又

涵三創制已多年。今日鸞鑣發洞天。  
百萬天兵隨我至。世人那得識真仙。

又

我亦無心題道歌。偶爲予門識我多。  
特把素心通一線。佞功總是運黃河。

長歌一首

以下  
長歌

步雲山。踏破天關。掃塵氛。攜月同歡。夜幽閒。清風  
響珮環。早倚著高閣欄杆。聽人把心性談。要覓那來去

機關。要打點何處回還。真箇是艱難。古今來磨過了多  
少英雄漢。有誰知這情端。那些兒識破綻。你只看天邊  
明月。經過了幾多晦朔圓殘。終不改他本來顏。尚留得  
千古一團圓。今日裏我尋月。月伴俺他與我。有形無迹  
多留盼。有景無心是大觀。合我這渾沉一炁。共入蒲團  
。齊返西隅。冷眼把人看。

駕鶴歌

駕鶴來。駕鶴來。白雲深處任徘徊。風凜冽。氣幽哉。  
長嘯一聲江漢隈。清香搖接蓬萊界。輝煌銀燭真堪愛。  
落塵埃。信步登樓快。縱金沙妙奧誰猜。戀韶華幾人自  
在。說不破迷途業債。點不完黃金磚塊。只落得老仙翁  
盤桓無礙。嘆梅花傲盡風寒。羨松枝猶如翠黛。笑人生

辜負身材。七尺軀昂藏奚賴。怎能箇朝天闕。驂鳳乘鸞。  
。怎能箇遊皇都。錦衣玉帶。怎能箇效汾陽。榮華壽考。  
。怎能箇追赤松。遨遊無怠。看千古英雄。盡收入北邙。  
土袋。空教人貪名祿。慕榮寵。孰知道光陰隙駒快。美  
景良辰難再。到頭來。那有些兒隨我也。不如去。訪真  
修。覓一箇清閒自在。

示體恕

魚聲敲響誦靈文。字字清兮我心欣。不信邊方偏重道。  
九天雨露般般。此一會。繼前經。寔爲濁界所稀聞。歛  
凡財。何足云。至敬至誠深可親。上帝明明。百神赫赫  
盡通靈。羣仙拍手呵呵笑。予門有這底法嗣禮數勤。也  
奉儒。也奉真。修補前緣今世因。學玄關一竅在中心。

百脈呼吸。由此透玄津。默默運。孽孽行。百日功成不  
苦辛。這一闕頗無形。降盡天魔野魅驚。煉子精。守子  
情。大定之時心氣平。百脈寧。三十六宮總是春。笑也  
笑。嗔莫嗔。嗔心一發墮在修羅境。嗔火起。且消停。  
默運黃河水一澄。火斂焰。水上升。汨汨吞來勝寶珍。  
嗔時須用強軍伏。靜極安恬勿用兵。兵能驅邪厲。靜極  
便修文。九還只在一心煉。七返何須向外尋。旁門錯誤  
許多人。祇此一篇話。功要細細論。

示人以下調

我欲尋仙作侶。茫茫四海無真。今朝得遇有緣人。  
好把乩沙相贈。洵屬道緣深厚。將來不讓行誠。  
西南開闡得斯臣。正是予門深幸。

示衆

人事幾回擾攘。俗情無數糾纏。看來世事許多般。總被  
心猿羈絆。利鎖名疆不斷。墳塋風水求安。病來不識保  
真元。屢向仙翁祈算。笑逐雪花飛舞。喜隨月影團圓。  
任教馬劣與猿頑。守我黃房自嘆。嘆彼塵勞夢夢。爭求  
執著成貪。爲兒爲女不心閒。幾度光華虛誕。人生能有  
幾時歡。趁早回頭是岸。